



宇多天皇事記 史料十二
七上

WJ 5
2063
12



9 5
卷



史料卷之十二

宇多天皇事記第七上

起寬平五年正月盡六月

寬平五年癸丑

正月小 辛丑朔

十一日 辛亥 大納言能有兼按察使事

公卿補任云大納言正三位源能有右大將

正月十一日兼按察使

古今集目錄云源能有寬平五年正月十一



日按察使大將如元

廿一日 辛酉 內宴事

管家芳草早春侍內宴同賦
開春樂應製陽
光送響囀伶簫內自重門外九霄初出從東
羊角引半歸向北雁行遙柳花暗解絳寒怨
鶯轉飛添載路謠縱使春聲天地滿不如萬

歲報山椒

右大臣良世加階事

公卿補任云右大臣正三位藤良世正月廿

一日叙從二位 內宴

女御温子加階事

一代要記云女御藤温子寬平五年正月二

十一日叙正三位 元正四位下

廿二日 壬戌 更衣胤子為女御事

大鏡裏書云贈皇太后宮 胤子 仁和四年九月

廿二日為更衣寬平五年正月廿二日為女

御從四位下○按
又見一代要記

廿六日丙寅橘義子為女御事

一代要記云橘義子寬平五年正月二十六日為女御參議廣相一女

是月賜宴於宮人事

管家文草早春觀賜宴宮人同賦催粧應製并序聖主命小臣分類舊史之次見有上月子日賜菜羹之宴臣伏惟自觴王公於正朝

至喚文士於內宴首尾二十餘日洽歡言志者諸不及婦人此唯丈夫而已夫陰者助陽之道柔者成剛之義况亦野中芼菜世事推之蕙心爐下和羹俗人屬之羹指宜哉我君特分斯宴獨樂宮人矣觀其天臨咫尺逼金鋪以展筵地勢懸高排繡幌而移榻春情款款春態遲遲或辭以不任羅綺或訴以不暇脂粉於是晝漏頻轉新粧未成其慎命諧恩

來就列序者譬猶秋夜待月纔望出山之清
光夏日思蓮初見穿水之紅艷斯事之爲希
夷不可得而一二彼桂殿姬娘之羞膳行酒
梨園弟子之奏舞唱歌一事一物儀在其中
時却時前禮治其外臣等職爲侍中業書君
舉恐不得意知理者謂我后偏專內寵故聊
假文章以備史記云爾謹序筭取宮人才色
兼粧樓未下詔來添雙鬟且理春雲軟片黛

纔成曉月纖羅袖不遑迴火熨鳳釵還悔錄
香奩和風先導薰煙出珍重紅房透玉簾

二月大

庚午朔

八日

丁丑釋奠事

管家文案仲春釋奠聽講古文孝經同賦以
孝事君則忠君是蒼天不可階思分孝水寫
恩涯食將行路資中味遠近忠臣我孔懷

十六日

乙酉參議時平任官事

公卿補任云參議從三位藤時平左衛門督
使別當二月十六日任中納言按一代要記中納言部爲
十三日使別當部爲四年五月十六日古
今集目錄爲四年二月大鏡裏書同本書
又尻付云源貞恒元慶八年五月廿六日從
四位上寬平三年正月世日備前權守四月
十一日兼左兵衛督五年二月十六日任參
議權守如元藤有穗仁和三年正月十一日
任中宮大夫寬平三年四月十一日兼右大

辨四年三月十四日從四位上五年二月十
六日任參議大夫如元止大辨源湛寬平二
年正月七日從四位下四年二月廿一日任
左近權中將五年正月十一日兼備中守二
月十六日任參議管道真寬平三年三月九
日任式部少輔三月廿九日藏人頭四月十
一日兼左中辨四年正月七日從四位下十
二月五日兼左京大夫五年二月十六日任

參議同日兼式部權大輔按一代要記有月日異同今不取

管家文草御製題梅花賜臣等句中有今年

梅花減去年之歎謹上長句具述所由不是

天寒地不宜此花憔悴計應知粉顏暗被粧

樓借香氣多教浴殿移閑未人看蜂且採落

非時至笛先吹誰人摩折榮華取新拜相公

捧四支臣不次為宰相故上此意喻之

又被拜宰相奉謝藤納言賜鄮州玉帶身多諸葛

檢束謝高才賞賜分明玉不埃初自鄮州無

脛至更從台閣有心來雪慙廉潔隨衣結花

讓榮華逐步閑為向彫文相報道鑽堅功臣

被誰催

廿二日辛卯右大臣良世辭左大將事

公卿補任云右大臣從二位藤良世二月廿

二日停左大將按帝王編年紀歷代皇紀又載之而共不注日一代要記

同本
書

大納言能有等兼任事

古今集目錄云源能有寬平元年正月十六

日右近大將同二年正月七日正三位同三

年三月九日任大納言同五年正月十一日

按察使大將如元二月廿二日左大將按公卿補

任脫之一代要記為廿六日歷代皇紀為廿七日下午時平兼任亦各為同日

公卿補任云中納言從三位源光民部卿二

月廿二日兼左衛門督止民部卿中納言從

三位藤時平左衛門督使別當二月廿二日

兼右大將止別當按帝王編年記為廿一日

集目錄為四年二月廿三日參議從四位下尊卑分脈大鏡裏書同本書

管道真式部權大輔二月廿二日兼左大辨

大輔如元按菅家傳記古今集目錄為廿三日大鏡裏書政事要略同本書

又尻付云源希寬平四年正月廿三日右近

權中將五年正月廿一日叙從四位下二月

十六日兼權左中辨廿二日轉右大辨同日

補藏人頭

職事補任云藏人頭左近中將從四位下源

希寬平五年二月廿三日補同日右大辨左

京大夫從四位下源昇寬平五年二月廿三

日補

按公卿補任
共為廿二日

一代要記云藏人頭源昇從四位下左中辨

木工頭寬平五年二月二十三日補兼侍從

源希從四位下左中將右大辨昇同日補

按以

上任日諸書不
同今姑從其多

廿六日

乙未

參議保則兼民部卿事

公卿補任云參議從四位上藤保則近江權

守二月廿六日兼民部卿

按能有時平兼任
一代要記為是日

疑保則非獨以別日任
然未得其證仍姑繫此

廿九日

戊戌

天台座主惟首入滅事

扶桑略記云二月廿九日座主惟首卒

按園城寺

長吏次第為廿五日天台座
主記帝王編年記同本書

帝王編年記云天台座主惟首和尚智證遍
昭等弟子寬平五年二月廿九日入滅號虛
空藏座主

天台座主記云第六內供奉阿闍梨惟首法典

房治山一年近江國蒲生郡人御船氏師主

智證大師遍照僧正受法灌頂逢德圓和尚

法勢講師學天台宗承和十一年月日受戒

寬平四年五月廿一日補任座主同五年二

月廿九日入滅年六十九○按園城寺長吏

園城寺長吏次第云惟首內供阿闍梨慈覺

弟子遍昭入室近江國人也寬平三年補任

同五年二月廿五日滅年六十八

三代實錄云元慶八年九月十七日甲戌勅

元慶寺置傳法阿闍梨傳燈大法師位惟首

傳燈大法師位安然令教授真言業年分度

者先是權僧正法印大和尚位遍照奏言依

太政官去元慶元年十二月九日下牒毗盧
遮那金剛頂摩訶止觀等業各一人每年十
二月十六日試度之夫以顯教宗者不簡授
業之師至真言教若未灌頂者不能讀一句
除非阿闍梨不聽輒傳授所謂毗盧遮那金
剛頂等經尤是真言之秘藏密教之本根也
不置傳法阿闍梨誰能傳此教僧惟首安然
等智行兼資精進无倦堅持利物之誓漸積

傳燈之功年來就遍照之邊稟學胎藏金剛
兩部大法既訖今夏膺是高器堪師範望請
准延曆寺例授傳法阿闍梨位敷演秘教試
練學徒從之

三十日

己未

內供猷憲任園城寺長吏事

園城寺長吏次第云猷憲和尚

號定心院

內供阿

闍梨下野國鹽屋郡人寬平五年二月補長

吏

按是惟首死闕之替也雖
本書不注日推以繫此日

三月小 庚子朔

二日^辛令敬祀四箇祭事

類聚三代格云太政官符應殊加^下檢察敬祀^中
四箇祭事^上右檢案內二月祈年六月十二月
月次十一月新嘗祭等者國家之大事也欲
令歲灾不起時令順度預此祭神京畿外國
大小通計五百五十八社因茲特致潔齋慎
令祭祀而敬惟疎簡禮非如在每至祭日奸

濫雲集至獻幣帛老少拏攫徒有陳設之營
曾無供神之實禰宜祝部須向神祇官敬受
幣物虔奉其社而件等人無致其敬或雇出
身代不自參進或雖躬受取無心奠祭頑愚
之輩狎黷神禁神靈之崇職此之由凡祭神
之禮以神主禰宜祝部爲其齋至而不勤職
掌疎略神事非唯神主等之怠還又齋宮不
加^レ糾勸之所致也中納言兼右近衛大將從

三位行春宮大夫藤原朝臣時平宣奉勅自
今以後京内諸國社所帶諸司殊加檢察畿
内外國當國官長相共監臨祭祀之日必致
齋敬若祭事不慎監察有怠者官司處之重
責神主禰宜祝部等科被解職一如貞觀十
年六月廿八日格曾不寬宥寬平五年三月
二日壬寅依狐死停御燈事

三日

壬寅

依狐死停御燈事

西宮抄云寬平五年三月三日依狐死停御
燈皇貴顯由出至十卷六卷此實平五年

江家次第云依狐死停御燈事寬平五年依
穢停時輕服人不參廢務如恒大御宣奉

六日

乙巳

左衛門督光補檢非違使別當事

公卿補任云中納言從三位源光左衛門督
三月六日為使別當按又見一代要記歷代皇紀

十五日

甲寅

參議道真兼勘解由長官事

公卿補任云參議從四位下管道真左大辨
式部權大輔三月十五日兼勅解由長官按
家傳記為四月三日大鏡
裏書政事要略同本書

十六日卯令填償牧馬課欠等事

政事要略延喜四年官符云左大臣宣奉勅

自今以後諸牧別當四年為限遷替之日准

牧監責解由但至于課欠亡失准寬平五年

三月十六日格同令填償全改在延喜初

廿五日甲子內供猷憲任天台座主事大高綱榮

扶桑略記云三月廿五日猷憲大法師為天

台座主智證大師弟子按帝王編

天台座主記云第七內供奉阿闍梨猷憲和

尚號持寬平五年三月廿五日任座主勅使

少納言藤原是陰同日到奉

是月君子內親王為齋院事

一代要記云齋院君子內親王帝二女寬平

五年三月卜定按皇代記皇胤系圖皇胤紹

女本書及齋院記疑誤

齋院記云君子內親王宇多天皇第十皇女

也母女御橘義子參議廣相之女也寬平五

年卜定

僧中權告唐國彫弊事

菅家文草寬平六年狀云在唐僧中權去年

三月附商客王訥等所致之錄記大唐彫弊

載之具矣更告不朝之問終停入唐之人云

云全文在六年九月

四月大己巳朔

二日庚午立太子事

皇代記云醍醐天皇諱敦仁仁和元年乙巳

正月十八日誕生寬平元年十二月廿八日

乙酉為親王同五年四月二日庚午為皇太

子歲九按大鏡同裏書日本紀略扶桑略記

一代要記歷代皇紀五坊次第紹運

要錄為十四日扶桑略記一說愚管抄帝王
編年記皇胤紹運錄等同本書皇代略記皇
年代略記為三日庚
午者蓋傳寫之誤也

御產部類記引本朝世記云寬平五年四月
二日庚午為皇太子天皇御南殿百寮侍列
其儀如例冊文曰天皇詔旨勅命乎親王諸
王諸臣百官人等衆聞食止宣朕即位以降
年月漸積奴其間一二皇子生長、然而頃
年五穀不登尔志百姓疲弊多留依天可有

煩支事波不行賜志思賜恤賜渡隨法尔可

有支政天止志敦仁親王乎立天皇太子尔定

賜市此位波不得已天志、置賜毛止諸事波從

儉約志坊司品官雜色、不據舊例天志隨

宜就便互治賜任賜布事乎信天百官人等

仕奉止礼宣勅乎衆聞食止宣冊立了皇太子

拜觀天皇賜御裝束一具并櫻色合褂一雙

又參觀中官班子賜白綾褂一襲蒲桃添褂御衣

一重

撰集秘記云寬平五年四月十四日新太子
 參觀天皇御大床子御倚子大子拜舞天皇
 下坐簞上太子又坐簞上内侍授祿太子拜
 舞謁尚侍次參中宮有御祿御裝束自内以
 亮被奉劔道真按本朝世記立坊日即有拜觀延
 為十四日者似與大鏡裏書等同為
 十四日立坊仍姑附于此以俟後考
 西宮抄云延長三年十月廿一日立太子云

云諸衛閑承明建禮等門左大臣召舍人仰
 可召刀禰事先是大臣令申云檢先例貞觀
 十一年寬平五年宣命時仰召舍人天長十
 年承和九年仁和三字多年延喜四保明年等並不召
 舍人閑門即刀禰參入依貞觀寬平例行之
 可宜云二左大臣令伊望朝臣申云隨仰令
 行差啓陣事令仰云太子在内不可有別陣
 然而寬平五年有左右近陣須准彼令差

寬平御遺誠云朕寬平五前年立東宮之日只與管

原朝臣一人論定其事其時無共相議者一

人全文在九
羊七月

賜壺切於東宮事

扶桑略記引延喜四年二月十日御記云保

明親王立皇太子左大臣時平朝臣奏曰貞

觀故事有御劔以山陰朝臣為使云醍醐吾又

始為太子初日帝賜朕御劔名號壺切

續古事談云東宮ノ御マモリニツホキリ

ト云太刀基經昭宣公ノ太刀也延喜ノ御門

儲君ニオハシマシルニ奉ラレタリケ

ルヨリ傳リテ代マノ御マモリトナル也

大納言能有等兼任事

御産部類記引本朝世記云任坊司等大納

言正三位兼行左近衛大將民部卿陸奥出

羽按察使源朝臣能有為皇太子傳中納言

兼右近衛大將從三位藤原朝臣時平為春
宮大夫參議從四位下守左大辨兼行式部
權大輔勅解由長官管原朝臣道真為亮正
五位下守右近衛權中將藤原朝臣敏行為
大進從五位下守右衛門佐藤原朝臣定國
為少進右大史從六位下壬生忌寸望村為
大屬並本官如故按除敏行望村之外並見公卿補任
管家文草云寬平五年四月二日立東宮之

始宇多太上天皇勅臣曰此般東宮每事省略仍
二負學士闕而不補汝已任亮兼供執經云

云全文在九月七月

十日戊寅依立太子立山陵使事

御產部類記引本朝世記云十日戊寅奉遣

使者於山陵令告立皇太子由上

日本紀略云寬平五年四月十日詔遣使於

諸陵告以親王可為皇太子之由按本書以下坊為十

四日故
加可字

廿六日甲午皇太子入御於東宮事

日本紀略云廿六日始入御於東宮

五月小 己亥朔

十七日乙卯定諸國調庸未進徵率分法事

類聚三代格云太政官符應定諸國調庸未

進徵率分法事右太政官去寬平三年十月

廿八日下民部省符併得彼省解併至計寮

解併謹檢太政官去仁和四年七月廿三日

符併得太宰大貳從四位上藤原朝臣保則

解狀併調庸租稅國之大事其租稅者元有

徵率之例至于調庸未必有例重望准租稅

徵率以為當時之務者左大臣融宣奉勅依請

者今依符旨執端縱橫或云依公廨本類為

之徵例或云計未進物數為其率分疑論兩

端當有一定者省依解狀謹請官裁者同宣

宜准承和十三年八月十七日拾計未進之
數每年徵十分之一^中而或國申請未進之物
觸色居多率分之數殆過年輸仍不堪徵納
者大納言正三位兼行左近衛大將皇太子
傳陸奧出羽按察使源朝臣能有宣奉勅政
貴變通理當沿革事須自彼出格之日每年
令徵當^中年應輸十分之一^上封家未進准此寬
平五年五月十七日

十九日

^{丁巳}

右兵衛督高經卒事

尊卑分脈贈太政大臣長良公四男高經母
贈太政大臣總繼女內藏頭左中辨右兵衛
督正四下寬平五十九卒
古今集目錄云兵衛藤原高經朝臣女高經
者贈大臣長良男讚岐介從五位下惟岳父
備中守倫寧祖父也貞觀九年正月十二日
任右衛門大尉十一年正月補藏人十三年

正月七日叙從五位下十四年二月廿九日
任相摸權介元慶元年十一月廿一日叙從
五位上八年五月廿九日任左衛門佐十一
月任左兵衛權佐仁和二年十二月十八日
叙正五位下三年三月七日兼內藏權頭八
月廿一日補藏人頭寬平二年正月廿一日
叙從四位下四月十八日任右兵衛督
三代實錄云元慶八年五月廿九日戊子以

從五位上守左兵衛權佐藤原朝臣高經爲
左衛門佐十二月二日戊子勅遣左衛門佐
從五位上藤原朝臣高經六位六人近衛一
人鷄七聯犬九牙於播磨國中務少輔從五
位下在原朝臣弘景六位四人近衛一人鷹
五聯犬六牙於美作國並獵取野禽仁和二
年十二月十四日戊午光孝行幸芹川野日暮衆
興幸左衛門佐從五位上藤原朝臣高經別

墅奉進夕膳高經獻物夜鸞輿還宮十八日
壬戌詔授左衛門佐從五位上藤原朝臣高
經正五位下以帝幸其別墅故有此加焉
職事補任云藏人頭左衛門佐正五位下藤

高經仁和三年八月廿六日補寬平二年九

月依病解 左衛門佐
內藏頭

管家文草為藤大夫先妣周忌追福願文 元慶

八月十日弟子從五位上藤原朝臣高經敬恭

奉造无量壽佛地藏菩薩金剛因菩薩普賢
菩薩金剛語菩薩觀世音菩薩彌勒菩薩文
殊師利菩薩大勢至菩薩像奉寫法華經八
卷无量義經觀普賢經各一卷阿彌陀經四
卷佛頂尊勝陀羅尼經轉女成佛經般若心
經各一卷何以故奉為先妣周忌追福也弟
子去四年春出為外吏閨門內顧老母在堂
欲負戴而共行煙浪非和顏之道將拜辭以

獨去風枝是入髓之寒然而忠孝不兼君親
惟異三四年別詎無再會之期數百里程將
有頻通之使遂割情愛遠赴勤王嗟辱去年
春未家書忽至淚讀俱下伏承膏藥即乘海
路晝夜兼行及近京城逆聞傾逝暗交刀火
不覺滅性之傷身空叫簾唯不知悲腸之結
病先妣哀喪數日之後弟子所患遂入膏肓
弟子病苦隔年之間先妣忌辰已驚日月今

月二十二日斯乃先妣下世之夕也是故弟
子敬禮无量壽之尊像歸依妙法華之大乘
唯有一心奉翊先妣亦復觀音大勢地藏菩
薩无量普賢阿彌陀經更無餘念奉翊先妣
淨界雖多唯願畢竟奉住安養福田雖廣唯
願真實奉成法身功德之餘普及一切以此
發無礙心之故又爲先妣得道之因

古今集云少人化之云至帝師入河阿以云

て侍る人のとつてんちをふくむそのちとふ
らへり事れとてなうはくふくはかき清きて乃
山麓とてて帰るふくつて人よをふくこえ
しとて物名をふくつたふくはく何らあな
ふくはくあつてふくふくふくふくはくはく
あつて

閏五月戊辰朔

一日戊辰右大辨希兼右兵衛督事

公卿補任云源希寛平五年正月廿一日叙
従四位下二月廿二日轉右大辨同日補藏
人頭三月十九日兼修理大夫閏五月一日
兼右兵衛督

三日庚午追討新羅海賊事

小右記云寛平五年閏五月三日勅符云追
討新羅海賊事當今務在農要勿令失時且
征且田良將之術勅到奉行

十八日

乙酉

臨時仁王會事

管家文草臨時仁王會咒願文

寬平五年閏五月十八日

國主皇帝歸命頂禮仁王般若波羅密經發願無邊所以者何去歲有疫徃二言上今年痛甚家二病死城外城中累旬累月衆生何罪遭此天刑一人之過延於海內至心懺悔三業六根合掌歸依十方諸佛寬平五載夏閏五月十有八日乙酉良辰遠羅城門近清

涼殿城內諸司都邊數寺百講閑座二時說經幡蓋裝嚴香花供養心不貳心欲消疫癘念無餘念欲濟人民既沈困者願早除愈未初痛者願先遠離亦復攸愧頻年不登倉庫屢空飢饉難免功德之餘專祈五穀甘雨順時暴風永斷秋實全收餘糧栖畝世間安樂擊壤成歌復次所患東西奏聞兵及不閑城塞有警善根之潤遠鎮二方野心調和海賊

十消滅大鐵圍下恒沙界中知之不知同昇覺
道

六月大 丁酉朔

史料卷之十 百篇開卷二

